

Մ Ա Հ Ա Յ ՈՒ Յ Ա Կ

† Մոսկվայում հոկտեմբերի 12-ին վախճանուեալ է Տ. Էմմանուէլ քահանայ Նազարեանը, Հանգուցեալը, որի աշխարհական անունն էր Յովհաննէս, բնիկ Թիֆլիսեցի էր. իր ուսումնս ստացել էր Ներսիսեան դպրանոցում, Նա պարապել է ուսուցչութեամբ և գրականութեամբ: Ունի կազմած դասագրքեր՝ «Հայոց լեզուի ուսուցիչ» չորս տարի, «Համառօտ քերականութիւն», «Ընտիր հատուածներ» երկու հատոր: Այս դասագրքերը, որոնք լոյս են տեսել մի քանի անգամ, ժամանակին մեծ ծառայութիւն են արել մեր դպրոցներում ուսանողներին, նրա «Ընտիր հատուածները», որի մէջ նիւթը դասաւորուած է գրական տեսակներով (Առաջին մասը՝ արձակ, երկրորդ մասը՝ բանաստեղծութիւններ), մինչև այժմ ևս շատ պիտանի մի դասադիրք է մեր դպրանոցների վերին դասարանների համար: Բացի այդ՝ նա հրատարակած ունի՝ «Յիսուսի Մկրտութիւնը», «Զարչարանքի շարաթը», «Պարզ քարոզները» չորս գրքոյկ, «Հայոց առաջին ընդհանուր ուսուցչական ժողովի պատմութիւնը», «Լեզուի հարցը», «Իրօնների պատմութիւն», «Ուսանաւորներ», «Վնեկոտոններ» երկու գրքոյկ, «Պոլուիմպերիալ», «Տօնածառ» վողեմիկներ ևլն: 1901 թուի յունուարի սկզբից նա ծխական քահանայ էր Մոսկուայի հայոց եկեղեցում, քահանայական պաշտօնի հետ սակայն նա միաժամանակ պարապում էր նաև իր սիրած գրական-լրագրական գործով. նա մինչև մահն էլ աշխատակցում և թղթակցում էր զանազան լրագիրներին, Նա աշխատակցել է նաև «Արարատ» ամսագրին: